



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Baptistae Bvrgi De Dominio Ser[enissi]mae
Genvensis Reip. In Mari Ligvstico Libri. II.**

Borgo, Pietro Battista

Romae, 1641

Populorum Orientalium, qui olim floruere, maritimum dominium. Cap. III.

urn:nbn:de:hbz:466:1-13096

fuerat inuentus, ¹ antea quoque ipsius dominos
alios extitisse, vel eandem ob causam, propter
quam a Minoë in potestatem est redactum; ² sed
deinceps ad eam anarchiam dominorum incu-
ria deuenisse, in qua a Minoë fuit repertum,
purgatumque, ut omnino eguerit domino, qui
se defenderet, ne prorsus humano generi esset
inutile, factum piratarum, ac latronum recep-
taculum. Ostendimus itaque eandem inesse
causam mari, cur diuidetur, quæ cæteris rebus
inest, & iure gentium, (³ quod etiam ius natura-
le appellatur, cum naturalis ratio illud inter gen-
tes omnes constituerit, quodq; solet esse τὸ νεῖτηνον,
secundum quod de dominijs iudicatur) fuisse
diuisum. Sed quoniam hoc ius colligi solet ex
gentium moribus, & consuetudine, vt hoc iure
evidenter maritimi dominij diuisionem fuisse
introductam, ac receptam concludamus, om-
nium populorum, quorum gesta ad nostram
notitiam peruenere, quique mare accolunt, cir-
ca hoc dominium, consuetudines recensebimus.

*Populorum Orientalium, qui olim floruerent,
maritimum dominium.*

CAP. III.



E BRÆI itaque populorum antiquis-
simi mare, quod ex aduerso obtendi-
tur terra Israelicæ, ipsius regionis ter-
rito-

1. Herodot.in
Thalia.

2. Thucid. loc.
cit.

3. §. Ius aut
Civile, Inst.
de Inst. &
Iure

16 De Dominio Ser.^{me} Gen. Reip.

ritorium esse censuerunt: quod receptissimum, ut fuit, ita etiam nunc apud eos est, quamvis de huius maritimi territorij magnitudine dissentiant.¹ Alij namque ipsorum Iurisperiti, quidquid maris est, intra lineas ductas a Cephaloria, & a torrente Ægypti in Oceanum (quibus occidentalis Oceani pars quoque continetur) territorij Israelitici esse contendunt.² Alij angustiora maris spatia assignant, ducentes lineam a monte Amano, ad torrentem Ægypti, & quod intra lineam maris est, id territorio Israelitico tribuunt; Qui tametsi de huius territorij magnitudine minime conueniant, profitentur tamen, mare aliquod, tanquam terræ Israeliticæ territorium, ipsius terrestris regionis domino esse subiectum. Hoc autem inter ipsos ideo disceptatur, vt determinent, qui Hebræorum obseruare annum Sabbathicum, oblationes frugum, Leuiticum decimandi modum, aliaque id genus teneantur: cum ista eos, qui extra Israeliticum territorium sunt, seruare minime obligari definiant. Sed apud Græcos maritimis rebus maxime deditos, locupletior est huiuscæ dominij memoria.

³ Antiqui namque Chronographi, cum nullius Græci populi extaret summum imperium ante Olympiadum institutionem, cuius gestis doctrina, & calculus temporum inniteretur, inter alia, quibus ad seriem temporum demonstrandam sunt usi, populos diligenter recensuerunt, penes quos

^{1.} Rabbi Ie-huda Gemara Babilonica ad tit. Gittim, seu de libellis dissort. & manu. ff. c. 1. & ibi gloss. alij.
^{2.} Ibid. & re-feruntur a Seldeno ma-vis clausi l. 1. c. 6.

^{3.} Isanc. Ca. Janbos. Cóm. in polyb. pag. 199.

quos dominium maris quondam fuisset, omnesque mutationes, quæ in eo contigerunt, accurate in suis Chronologijs annotarunt.¹ Cares itaque Græci maris abutebantur dominio, piraticam facientes (a quibus & Caricum pelagus dicebatur) cum² Minos Cretensium Rex, ijs Phœnicibusque ac alijs prædonibus deuictis, sibi illius dominium acquisiuit: quod iactat Phædra apud³ Ouidium.

Quod mihi sit genitor, qui possidet aquora Minos.
Atque Dædalus dolet apud⁴ eundem

Possidet & terras, & possidet aquora Minos.

Hoc a Minoë partum imperium⁵ Cretenses annos LXXV. tenuere. post hos vero Lydi annos LXXXV. inde Pelasgi annos totidem, quibus successere Thraces, qui annos LXXXVIII. mari sunt dominati, Thracesq; excipientes Rhodij annos XXIII. illud possedere. Hinc annos XXV. Phryges, Cyprij XXXII.⁶ Phœnices XLV. maritimum Dominium habuere, quos proxime primæ Olympiadistēpus Ægyptij excepere, marique Græco potiti sunt annos XXXVI. cum antea pridem in mari Rubro dominarentur,⁷ quod Sesostres eorum Rex Imperio addiderat.⁸ Ægyptijs dominium maris ademere Milesij, in ipsam Ægyptum coloniam deducentes, mareque obtinuerunt annos XXVIII. Post hos⁹ Cares iterum pelagus occuparunt, tenuereque annos XLVIII. Ac postmodum Lesbij, Pho-

1. Thucid.
lib. I. & ibi
Gr. Scholia st.
2. Thucid. lo-
co cit. Plat. de
Legib. 4. Arist.
I. 2. Polit. c. 8.
Strab. Geogr.
I. 10. Nic. Da.
masc. apud
Stobæū eclog.
ser. 42. Suid.
in Minœ. Po.
lyd. Virg. de
Inuentor. rer.
lib. 3. cap. 15.
Euseb. Cedren.
alij.
- 3 Phædra Hipp.
pol. in Epist.
heroid.
4. De arte
aman. lib. 2.
5. Euseb. Ma-
rian. Scot. Flo
ret. Monach.
in Chronic.
6. De Pheni-
cum imperio
maritimopra-
ter supralau-
datos mentio-
nē facit etiā
Sacra pagina
Ezechie. c. 26
& seq.
7. Diod. Sicul.
rer. antiqu. l. 2.
c. 1.
8. Prater Sidi
pra laudatoris
Stephan. in
Naunçia-
tis.
9. Supra lau-
dati, & Diodo
loc. cit. lib. 2.

C cæn-

18 De Dominio Ser. ^{ma} Gen. Reip.

1. Thucid. l. 1.

cænenses,¹ Corinthij, Iones, Naxij, Eretrienses
continuata serie sibi inuicem succedentes, annos CLXVIII. maris domini fuere. Ultimi omnium² Æginetæ ante Xersis irruptionem in Græciam pelago imperarunt annos XXIV, ut in hac temporum continuata serie habeamus totos annos IOCCCCLXII. quibus in dominio Græci maris populi sibi vicissim successere. Æginetas autem maris Imperio³ Athenienses spoliarunt,⁴ ad quod vt redderentur inepti, sciuerunt, vt ijs pollices præciderentur.⁵ Athenienses vero maritimum principatum tenuere, donec ingruentibus bellis ciuilibus, non minus de hoc Imperio, quam de terrestri cum Lacedæmonijs decertarunt. Legimus siquidem⁶ Alcibiadem Tissapherni, Persarum Regis præfecto, ciuilia bella inter Lacedæmonios, Atheniensesque nutrienti, hoc dedisse consilium, ne pateretur ad alterutros devuere maris, ac terræ Imperium, sed curaret, vt vterque populus mari, terra que polleret: vnde liquidueroque imperio fuisse discep-
tatum. Sed &⁷ Lacedæmonij maris aliquando fuere domini, vt vel ipsi⁸ Athenienses fatentur: cumque eo dominio ab ijsdem Atheniensiibus deturbati sunt,⁹ claudum Imperium se gerere censuerunt, quod maxime cauendum esse Apollinis oraculo fuerant admoniti. Præter hos¹⁰ Polycrates Samiorum Tyrannus pelago etiam imperauit: Longumque nimis, ac laboriosum foret,

Græ-

2. Modo latu-
dati Chrono-
graphi, & Plu-
tarach. in The-
misto cle. Stra-
bo Geograph.
1.8. Aelian.
var. hist. l. 12
6.10. Pausan.
in Corinth.
3. Pausan. lo-
co cit.
4. Cic. de offic.
lib. 3. Valer.
Max. l. 9. c. 2.
5. Ibid. & Xe-
roph. rer. Gre-
car. l. 4. Isocr.
in orat. de Pac.
& in Panath.
Diodor. Sicul.
Biblioth. l. 11
6. Thucid. l. 13.

7. Diod. d. l. 11
8. Demosth. in
Philipp. Iso-
crat. loc. cit.
9. Diod. d. l. 11
10. Herodot.
in Thaha. Riu-
si. histor. na-
tural. lib. 1.

Græcos omnes populos recensere, qui maris dominium tenuere, cum περὶ τὸν θαλασσοκρατόντων opus integrum ¹ conscriperit Castor Rhodius, quod iniuria temporum intercidit; sufficiatque pro instituto nostro, tot exemplis demonstrasse, apud Græcos dominium maritimum vſu fuisse receptum. Neque minus apud exterros, quos Græci Barbaros appellant, fuit vſitatum. ² Antiochus Syriæ Rex, mare Syriacum suæ esse ditionis asseruit. Darius Persarum Rex ³ mari Indico potitus dicitur. Et ⁴ Xerxes Hellespontum virgis cædi, iniectisque compedibus castigari iussit, illique quasi seruo stigmata inuri, addita causa, στενόμην τὸν δικανίον θύει; Dominus tibi hanc pœnam irrogat, quod pontem, quo Asiam Europæ ipse coniunxerat, ille disiecisset; ⁵ erant autem Persæ domini maris Pamphylj, eiusque quod Ioniam alluit, & sinus, qui ab ipsis nomen acceperat, Persici. ⁶ Mare autem Rubrum legimus Erythræum, fuisse appellatum sumpto nomine a Rege, qui illi dominabatur. ⁷ Ac Tyrij maritimum quoque dominium ita seuere exerceuerunt, vt neminem, cui veniam non dedissent, nauigare permitterent, venerintque ideo in prouerbij consuetudinem, ⁸ Tyria maria, quo significabantur ea, quæ sine controuersia, ac turbis tangi nequirent. Ptolemæi quoque Ægypti Reges maris habuere dominium, vt de Philadelpho cecinit ⁹ Theocritus

^{1.} Suid. Sea-
lig. in Euseb.
ad nn. 840.
Voss. de hist.
Græc. l. 1. c. 25

^{2.} Vid. Selden.
maris claus.
lib. I. c. 12.
^{3.} Herodot. in
Meլpomene.
⁴ Idem in Po-
lynnia.

^{5.} Appian. in
Proœm. hist.
Rom.
^{6.} Philofrat.
de vir. Apol-
lon. l. 3. c. 11.
Stephan. in
Epyθgā.
^{7.} Ezechiel.
lo. ci. Q. Curt.
de gest. Alex.
lib. 4.

^{8.} Fest. Pomp.
in verb. Tyria
maria. Erasm
Chiliad. 4.
Cent. 4 adag.
73.

^{9.} Idyll. 17.

20 De Dominio Ser.^{mæ} Gen. Reip.

Πόλλας δὲ κρατᾷ γάιν, πολλὰς δὲ θαλάσσης.

Multas namque tenet partes terraque, mariisque.

Et iterum

— θαλάσσαι δὲ πάντα τὰ αἴτα
καὶ ποταμοὶ καλέσοντες αὐτόν ονται Πτολεμίος.

— toto cum mare tellus,

Et fluuijs paret rapidis Regi Ptolemaeo.

Dominabantur autem mari Græco & Rubro, ut
1. Julian. Ca-
sar orat. 3. nuper diximus; ¹ Alexander etiā magnus Ori-
entalibus regionibus potitus in Europam, ac Oc-
cidentem molitus expeditionem fertur, ut ma-

2. Strab. Geo-
graph. lib. 12. ris, æque ac terræ dominus fieret. ² Sinenses
quoque magnam habentes classem, pelagus,
quod intra Cyaneas est tenuere. Sed quid? Apud
Orientales adeo receptum fuit, vñitatumque ma-
ris dominium, ut non modo potentissimi Re-
ges, cum bellum indicerent, ³ nihil aliud pete-
rent ab ijs, quibus indicebatur, quam vt terram
& aquam darent, hoc est, vtriusque imperium
cederent, alioquin ad bellum se accingerent;

3. Herodot. in
Melpom. Po-
lyb. 1. 9. Hippo-
cratis epist. 9.
Ioan. Vlp. epist.
ad pag. 31.

4. Athenaeus
Dipnosoph.
lib. 8. c. 1.
sed ipsa quoque oracula, ænigmataque ad hoc
traducerentur. ⁴ Scilicet sacrificatiibus Athenien-
sibus in Delo, cum puero lauandis manibus
aquam effundente, vna cum aqua pisces e phiala
exijscent, id interpretantes Delij vates, Athenien-
ses maris dominos futuros esse pronunciarunt.
⁵ Antigono præterea Regi Patroclus Ptolemæi
Dux (vt Scythæ Dario auem, sagittam & ranam)
magnos pisces, ac virides fucus dono misit, quæ

Anti-

5. Ibid. c. 2.

Antigonus, cum inter epulas versaretur, accipiens, amicis huiusmodi dona mirantibus, subridens: *Noui, inquit, quid Patroclus his donis significet. Vel maris, ait ille, oportere nos fieri dominos, vel fucus comedere, hoc est, ignauos ac molles videri.* Et Orientales quidem populi, qui priscis temporibus floruerunt, quorumque mores compertos habemus, hoc pacto maris dominium agnouerunt.

Occidentalium populorum, qui quondam floruerunt, maritimum dominium.

CAP. IV.

AD Occidentales modo transeamus.¹ Spinetæ itaque populi,² ab urbe cognomine ad Spineticum Padi ostium sita, denominati,³ Superi maris principatu diu sunt potiti, mittebantque Delphico Apollini decimas e maritimo prouentu ita magnificas, ut etiam Strabonis ætate, in Delphico templo, Spinetarum celebris thesaurus, ex ijs decimis conflatus, commonstraretur.⁴ Tyrrheni autem longum tempus mare Inferum tenuere,⁵ quod & nomen ab ijs sortitum est. Ac⁶ Tusci Supero Inferoque, quibus Italia peninsulæ modo cingitur, sunt potiti: nomina sunt argumento, quod alterum Tuscum communi vocabulo gentis, alterum Adriaticum ab Adria Tuscorum colonia

Ita-

1. Stephan.
2. Dionys. Hist.
lvc. l.1. Plin.
lib. 3. cap. 16.
& 17. Ferraro
in Lexic. Geograph.
3. Dionys. loc.
cit. Strab. l.5.

4. Dionys. loc.
cit. Diodor. Si.
cul. rer. An-
tiq. l.6. Ep. Ba-
blioth. lib. II.
5. Diod. d. l.6.
6. Liu. lib. 5.